



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **D. Ioannis Ivsti Lanspergii Carthvsiani, Natione Bavari, Opvscvla Spiritvalia**

ab ipso Autore partim Latinè, partim Germanicè euulgata

**Landsberg, Johannes Justus**

**Coloniae Agrippinae, 1630**

Deuotio vera in quibus consistat, quibusq[ue] modis ea sit fouenda Cap.  
LXII.

[urn:nbn:de:hbz:466:1-45857](https://nbn-resolving.org/urn:nbn:de:hbz:466:1-45857)

*Vti, & quando quisque suam conscientiam discutere, atque  
cum Deo denuo in gratiam redire  
debeat.*

## CAPVT. LXI.

**E**xercitium iustum deinde secundo loco hoc modo exercebis. Nam quoti-  
die examinando teipsum, quodlibet operam tuorum in se valde defe-  
ctuosum, & te in multis offendisse conspicies, teq; cum tali offensa & cor-  
dis immundicia, ad deuotum exercitium & Dei aspectum non posse peruenire  
cognosces, sicq; tibi necesse videbis, vt Deum sic offensum primò per pœnitenti-  
am places, secundo cor ab omni immundicia purges. Nocturno agitur siue  
serotino, aut alio tempore apto, quantum tibi possibile fuerit (vt possis deuo-  
tum exercitium digne peragere) solus in cubiculo exercias te, scopando spiri-  
tum tuum & mundando, cum magna cordis contritione pro multiplici Dei of-  
fensione, lauando per singulas noctes lectum tuum, & lachrymis tuis stratum Psal. 6.  
Hicr. 6.  
tuum rigando, & pro singulis peccatis quasi luctu inuigilanti faciendo, & tibi ip-  
si pœnam aliquam imponendo, quod tam multipliciter & grauiter peccasti, &  
Deum tuum offendisti. De quo & humiliter confitearis, de secretis in secreto, &  
de publicis in publico, paratus ad flagella, ad verbera, & ad omnia aduersa, quæ  
Deus vel homines imposuerint, vel ipse assumpseris, pro satisfactione imple-  
nda: Orans Deum, vt ipse dignetur, quod tu minus facis supplere, & te in isto se-  
culo punire, suscipiens omnia aduersa de manu eius, tibi missa ex amore, cum  
maxima gratitudine: & habens firmum propositum plangenda vltèrius non  
committere, cum bona spe & fiducia de Dei misericordia. Nihilominus tua pec-  
cata semper grauisima iudica, & omnium aliorum hominum peccata alleuia,  
propter diuersos respectus & circumstantias ad hoc concurrentes. Et ideo teip-  
sum plus quam aliquam creaturam odias, velut indignum qui à terra porte-  
ris, eo quod tam bonum Dominum sic offenderis. Et omnes homines plusquam  
seipsum diligas, æstimans te omnibus illis propter certos respectus, in veritate  
peiores: quia non tam grauiter peccauerunt vt tu, neque tot & tanta beneficia,  
gratias & occasiones mala dimittendi, & bona faciendi à Deo receperunt vt tu,  
si bene illis vti voluisses.

*Deuotio vera in quibus consistat, quibusque ea  
modis sit fouenda.*

## CAPVT LXII.

**E**xercitium tertium, id est, deuotum, consistit præcipuè in prompta vo-  
luntate ad Dei obsequia, & ad cuncta Deo beneplacita, quo peruenitur ad  
contemplanda bona supercœlestia. Ad quod nulla est securior via, quàm vt  
Aaa mundis



Ioan. 1.

mundis oculis cordis inspicias & mediteris vitam & passionem Domini nostri Iesu Christi, tam secundum eius diuinitatem, quam humanitatem, tam ante seculum, quam in seculo, & post finem seculorum, tam in creaturis, quam scripturis expressam. Ad quod etiam exercitium Psalterium Davidicum non parum confert, utpote mysterijs Christi refertissimum, sicut & cetera scriptura. Quia Iesus Christus est lux vera, quae illuminat omnem hominem uenientem in hunc mundum: maximè tamè illū, qui simplici fide, puro ac mundo corde, pijs ac deuota meditatione accedit ad ipsum: non solum intimè compatiendo, sed etiam ipsum pro tali exemplo, & pro tanto beneficio omnibus medullis cordis sui benedicendo, laudando & amando, & in Psalmis & alijs scripturis ipsi gratias agendo & iubilando, & omnes homines & angelos & creaturas ad ipsum laudandum inuocando: sed etiam verbis, factis & exemplis, feruida charitate, perfectaq; uoluntate, pro toto posse suo & conatu maximo, ipsum in hac uia, ueritate & uita, pro uiribus suis sequendo & imitando, & vitam suam & mores illi conformando. Qui hæc tria præscripta exercitia fideliter custodierunt, & in eis perseverauerunt, faciliter & mirabiliter ad magnam sanctitatem summamq; perfectionem peruenerunt, dum totam vitam suam his tribus exercitijs impendunt: ita ut sæpe exterius & interius maximo charitatis ardore, eos in meditatione eorum exardescens ignis diuinæ charitatis, inflammauit. Qui Deo per hæc valde chari & accepti facti sunt: aded ut propter eos etiam multis alijs pepercerit & benefecerit in Ecclesia sua, cum uiuis tum defunctis.

Psal. 142.

Quemadmodum etiam nuper contigit cuidam Dei amico, qui pro exercitio deuoto meditabatur, & aspexit vitam & passionem Iesu, primo in antiquis Patribus in ueteri testamento multipliciter præfiguratum: secundo per ipsum Dominum Iesum mirabilibus operibus personaliter exhibitam: tertio in operibus & passionibus sanctorum membrorum suorum, eidem adherentium, multipliciter exercitam, & nobis utiliter exemplificatam. Et sic omnia traxit ad vitam & passionem Domini, quemadmodum scriptum est: *Memor factum antiquorum.* (quo ad primum) *Meditatus sum in omnibus operibus tuis* (quo ad secundum) *In factis manuum tuarum meditabar* (quo ad tertium) Qui tandem recepit in isto seculo ex meditatione uel ex exercitio debito, magnam cum Deo familiaritatem, & familiarem de multis informationem. Et ex meditatione ista perfectam in hac uita peccatorum purgationem. Et ex meditatione deuota mirabiles illuminationes mentis, & rapta etiam usque ad tertium cælum, & secretorum Dei cognitionem limpidissimam, & cum summo Deo amicitiam

1 Cor. 2.

& unionem in vno spiritu: præter ea, quæ in futuro seculo illi reposita sunt, quæ nec oculus uidit, nec auris audiuit, nec in cor hominis ascendunt, quæ præparauit Deus diligentijs s.